

Powšitkowne WOZJEWJENJA

njedźelu, 8. meje 2022

Wusyłanje Božeje mše

Serbskorěčnu Božu mšu móža wěriwi tutu njedźelu, 8. meje, w 9 hodź. z Chrósćic jako livestream scěhować. Link na nju je w interneće pod www.posol.de a na wosadneje stroje podaty.

Mejski nyšpor z próstwu wo měr a pokoj

Towarstwo Cyrila a Metoda z.t. (TCM) přeprašuje na mejski nyšpor, kotryž budže tutu njedźelu, 8. meje, w 17 hodź. w Róžeńčanskej swjatnicy. Na nim chcedža mać Božu wo zastupnistwo prosyc, zo by Bóh swětej, wosebje Ukrainje, měr a pokoj darił. Nyšpor wuhotuje Muski chór Delany. Wšitcy su wutrobnje witani.

Hłowna a wólbna zhromadźizna TCM

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu a zdobom wólbnu zhromadźiznu pjatk, 13. meje, do Chrósćic. Započatk je w 19.00 hodź. z Božeje mšu w cyrkwi. Přizamknje so zhromadźizna na farje.

Nalětni koncert na klóšterskej zahrodže

Wšitkich zajimcow zbliska a zдалoka přeprašuje chór Lipa zhromadnje z Křescansko-socialnym kubłanskim skutkom na nalětni koncert, kotryž budže njedźelu, 22. meje, w 15.30 hodź. na zahrodže Zežiwjenskeho a zeloweho centruma w klóštrje Marijinej hwězdze w Pančicach-Kukowje. Program wuhotuja Lipjenjo z chórom Šule Ćišinskeho z Pančic-Kukowa. Wot 15 hodź. poskića tam kofej a tykanc.

Putnikowanje z impulsami

Na putnikowanje z bibliskimi a duchownymi impulsami přeprašuje Smochčanske kubłanišćo swjateho Bena wšitkich zajimcow wot pjatka do njedźele, 20. do 22. meje. Kurs zwjazuje čelne pohibowanje kaž tež duchowne a bibliske impulsy. Nawjedować budže dny referent Ansgar Hoffmann, kotryž podawa tež nadrobniše informacije, docpějomy pod telefonowym čisłom (03 59 35) 2 23 17 abo pod mailowej adresu na ansgar.hoffmann@bg-schmochtitz.de abo. Zdobom je pod www.posol.de link k dalším informacijam podaty.

Putniska jězba do Kölna a wokoliny

Na serbsku busowu jězbu z duchownym přewodom wot njedźele do štwórtka, 9. do 13. oktobra, přeprašuje Radworske Šmitec busowe wozydłownistwo. Z Königswintera wuchadžejo wopytamy Köln, Bonn a klóšter Steinfeld a damy so zakuzlać wot Eifelskeje krajiny nad Rynom. Přizjewjenja přijimuje Šmitec wozydłownistwo, telefonowe čisło (03 59 35) 28 60.

farar Gerat Warnar

Kublanje a koncertaj na piščelach

Piščelowe dny Drježdžansko-Mišnjanskeho biskopstwa wotměja so wot pjatka do nje-dzele, 13. do 15. meje, w Budyšinje. Myslene su wone za organistow a wšěch, kotřiž so za piščele zajimuju. Budyski tachantski kantor Kamil Maksymilian Kulawik informuje, zo „wočakuja jich dwaj wuznamnej piščelowej koncertaj z třomi domowymi organistami na wšelakich Budyskich piščelach, džěłarnički za rozdžělnje niwowowe naroki kaž tež seminar k hłosowanju a hladanju piščelow“. Zajimcy měli so pola regionalneho kantora Stephana Thamma přizjewić, mailowa adresa regionalkantor-dresden@bddmei.de. Piščelowej koncertaj za wšěch wotmějetej so pjatk, 13. meje, w tachantskej cyrkwi a sobotu, 14. meje, w cyrkwi Našeje lubeje knjenje. Stajnje w 19 hodž. je zawod a w 19.30 hodž. potom koncert. Na přnim wječoru hrajetaj na woběmaj piščelomaj tachantskeje cyrkwy ewangelski kantor Michael Vetter a katolski kantor Kamil Maksymilian Kulawik, na druhim Sebastian Freitag, organist Drježdžanskeje katedrale.

Přednošk k spiritualiće oblatow

W rjedže cyklusa čitanjow k spiritualiće rjadniskich zhromadženstwow Filozofisko-teologiskeje wysokeje šule w Münsteru přednošuje pónđzelu, 9. meje, w 19.30 hodž. w Serbach znaty oblatski pater dr. Thomas Klosterkamp. Přednošk wusyła so přez youtubeowy kanal Münsterskeje wysokeje šule. Link je pod www.posol.de podaty.

Łužica pomha Ukrainje

Towarstwo Cyrila a Metoda z.t. (TCM) hromadži ze swojej akciju „Łužica pomha“ dale pjenježne dary za ukrajskich ćěkancow w Pólskej, kotraž dóstanje Caritas w Ełku. Jeje direktor a dołholětny partner TCM, prelat dr. Dariusz Kruczyński, je zwuraznił, zo pomhaja jim najbóle pjenježne dary. Trěbne twory za ćěkancow tam kupja. Wot měrca je TCM Caricie w Ełku 37.000 eurow přepokazało. Štóž chcył domapytanu ludnosć podpěrać, njeh přepokaza pjenjezy na konto: Cyrill-Methodius-Verein e.V., IBAN: DE 65 7509 0300 0008 2823 66, hesło: „Ukraina“. Štóž sej darowansku kwitowanku přeje, měł swoju adresu podać. Za dotalne dary wustaja so kwitowanki hač do kónca meje.